

Die Gsalzene

D' Basler Bolizei wird elleggrifiziert
Drum wärde Tesla-Schuggerauti importiert
Denn si basse guet und sinn nid numme schigg
Zem Baschi Dürr sinere Schwachstrombolytigg

Au d'Schwyzter Schwinger hänn jetzt e Dopingskandaal
Fir e Nationalsportart nit triviaal
Drum dien sich Dopingjeeger stergger engagierte
Leen vor em Donnschtigsjass ins Reerli uriniere!

Uff em Negro Rhygass-Logo – das isch woor
Hett e Pigmentierte Gnoche in de Hoor
Dr Vorstand konteret d'Grytigg mit grosser Glass
Und nennt si Gugge kimpftig «Negro Gärbergass»!

Voorgänger dien d'Viola Amhärnd inschpiniere
Am maischte duet ire d' Ruth Dreyfuess imponiere
S'isch nid d'Erfaarig, die bolytische – nai laider
Si hänn dr glyychi Gschmagg in Sache Schue und Glaider!

D' Chinese fliege mit're Sonde hindre Moond
Zem uusefinde, ob dert ebber läbbd und woont
Und uff em erschte Bildli, lueged emool aa
Gseet me im Byyroot sitze: s'Bethli Ackermaa!

E riise Volggfescht und e Fyyrwäärgg in dr Nacht
In dr ganze Stadt wird danzt und und gfyirt und glacht
Worum sin d' Gänfer hocheffreut durch d' Stroosse zooge?
Dr Maudet haig e ganzu Wuche lang nid glooge!

E Neyigkait – die hett uns mächtig imponiert
S Ryysschwimme wird kimpftig professionalisiert
Als OK-Chef wott me dr Streller beschtefalls
Dämm stoot jo s'Wasser scho sit Langem bis zem Hals

Bim Fescht vom FCB isch d'Frauemannschaft bees
Dass si Los verkaufe mien sig skandalees
Drum duet dr Club sich nei mit Chennai zämmerauffe
Denn kenne d'Inder frooge: «Wolle Rose kauffe?»

Monschterväs

Duesch Subventione abkassiere
Uff fremdi Keeschte di saniere
Schmarotze isch di Lyydeschaft
Denn bruchsch en EU-Mitgliedschaft!

Dr Putin – halbblutt uf sim Gaul
Maint: «An EU isch was faul!»
Dr Erdogan styggt vo sim Schoof
Und said: «Die EU find ich doof!»

Bim höggschte EU-Kommissäär
Ischs mit Aastand nid wyt häär
Kunnt dr Luschtmolch Jean-Claude Juncker
Haues d'Fraue ab in Bungger

Dr EU-Vorsitz – das isch woor
Hänn jetzt d'Rumääne – e halbs Joor
Die erscht Reform isch so banal
Däschediebstaal wird legal!

Und das befiirwoorte d' Bulgare
Si haige ständig Strooffverfaare
Voll Missgunscht regglamiere d'Poole:
«Die Idee isch vo uns gstoole!»

Kai bitzli intresiert das d' Lette
Will die nur Subventione wette
Rootschleeg drfir gitte vo de Eschte
Bim Moogge sige si die Beschte

Das mit de EU-Subventioone
Duet sich fir d' Grieche mächtig loone
Mit 40 geen si in däm Land
In woolvrdiente Ruestand!

Fir d'Italiener sinn die Grieche
E Vorbild und ächt gaili Sieche
Will fir d'Biirger vo Italie
Isch Schaffe ender e Lappaalie

D'Zyprite und d'Malteser
Stosse aa mit Schämpisgleeser
Und verkaufe iber d'Gass
Fir 50 Stutz en EU-Pass!

Greativ in daäre Gryyse
Brofitiere d' Portugiese
«Will sälber schaffe wie die Schwede»
Said dr Spanier «ka jo jede»

Z'brav zem Bschisse, s'isch zem Gääne
Sinn im Norde obe d'Dääne
No wiiter neerdligg grampfe d'Finne
D' Ungare finde: «Hey die spinne!»

Dangg Whisky dien d'Schotte und d'Ire
Das ganze Drama kuum me spyyre
Und d'Auge vo de Niederländer
Hänn vom Kiffe roti Ränder

Nonig begriffe hänn au d'Briitte
Was dr Brexit wird bedytte
Dr James Bond duet bald d'Auge rolle
Noch zwai Stund in dr Basskontrolle!

Im EU-Rot e Rieseszene
«Hey s'Gald wird knapp!» motze d'Slovene
«Kai Panik» maine do druff d'Tscheche
«D'Schwoobe zaale immer d'Zeche!»

Die Situation kennt eskaliere
Wie sotti d' Schwyz druff reagiere?
S' gitt nur ai Wäg us daäre Noot
Die Gsalzene in Bundesroot!

Die Gsalzene findsch im Facebook

Wotsch d Fasnacht mol vo inne gsee - kumm doch zue dr BSG!

www.schnitzelbangg.ch